

醫宗必讀

雲間李士材先生著

醫宗必讀

金匱王漢冲梓

醫宗必讀序



李士材兄著醫宗必讀成未
之流布也嘗掩袂語余曰先
生與先君子交舊矣先君慷
慨有大畧明晰當世之務方

神廟時有議開吳淞江者先君

詳畫利害若指諸掌當事者
弗能用費以鉅萬計旣乃與
袁了凡先生軫念桑梓定減
省賦役之議雖齋志以沒未

及見諸行事然是皆經濟之

事得志于時者之所爲也梓

不肖承先君之後發憤不遂

而托于醫以自見工醯雞之

小術忘先世之大猷取嘲當

世貽羞地下其若之何余曰
嘻子固習于禪者如之何其
岐視之也咎狄梁公再造廬
陵而其未第也亦嘗假一七
以扶危陸宣公力挽奉天而

其退也亦嘗集古方以惠世
夫醫亦寧非士君子之經濟
也當子在疾之期纔六齡耳
然余及覩其少成之性弗事
董率而能自力于文章令名

噪諸生間所至奪席所去懸
榻斯已奇矣已復出其餘力
攻長棄之學而洞隔垣之照
辨六氣之沴癘察七情之抑
滯所論著不下數種而愈出

愈奇當是時自名公巨卿以
逮賈夫牧豎靡不引領于車
塵之及門慰藉于刀圭之入
口者榮何必減擁轡澤何必
遜澍濡也且夫士君子亦會

其時耳幸而達則以其石畫
起斯民之罷癯不幸而窮則
以金篦救斯人之天札如之
何其岐視之也今丁丑之歲

會新安友人吳約生君如見

是書而悅之。亟欲公世選美
材徵楷畫而付之梓人。于是

士材復語余曰。劑施之用有

限而法施之用無窮。余抱此

書久矣。微兩吳君者。徒作枕

中之玩而已何能傳之通邑
大都爲初學者立程哉夫事
固有無所爲而爲不相謀而
相成者是不可無傳也先生
其爲余志之余旣悲士材之

志彙次前語而又感兩吳君
之能相與有成也復爲之申
曰震瀛公之經濟非洪業而
士材兄之醫術非薄技也一
諸其能拯溺也士材兄之著

述非鉅力而兩吳君之壽梓
非小惠也一諸其能啓蒙也
通於一之說者可以論三君
子之際矣

睂公陳繼儒



醫宗必讀序

自余兄弟客雲間奉晨昏之歡
視膳之餘佐以湯藥因獲交于
李士材先生先生學博而養邃
其於身中鵲橋黃道大海曲江
九宮三要播精於子塞鬼路於

寅養玄珠于戊己之宅靡不窮
其奧也其於娑婆界中十萬八
千金石草木鹹酸苦辣甘淡之
味與夫寒熱溫涼之性如藥王
藥上所稱非即身心非離身心
靡不探其賾也其審色察候如

禪師之勘驗學人一一知其病
根所在雖滄忿之氣不上不下
靡不隱爲照也其藥籠所收如
黃芽白雪遍地漫空雖鷄雄豕
苓牛溲馬渤靡不時爲帝也其
廣發悲願結生生之緣自宰官